

## Fir d' Schwäbisch' EMMA

Ridsch-radsch, Mädle, komm' vrschneid' dein' Zopf  
Du schdoahsch' scho' vial z' lang hender'm Kochdobf  
Pidsch-padsch, Mädle, nemm' dei' Schbadzabredd  
Ond g'hei's ens henderschd Egg!

Ällweil duaschd Schnidzl klobfa  
Ond schlebbesch' a' Heidag'wichd  
Dann noach 'em Soggaschdobfa  
Erfillsch' dei' Ehepflichtd...

Scheiß doch uf blidzsaubre Kloidr  
Ond uf da Schbüliglanz  
Schdeig' ra' von doinr Haushaldsloidr  
Ond dabb' dei'm Pascha uf da Schwanz...

Am Oabed breng'sch 'em 's Bläddle  
Ond richdesch' 's Veschbr noa  
Schlubfsch' noa an sei' Krawäddle  
Doch isch' 'r schlaff, dei' Moa'...

Zigg-zagg, Mädle, vrjubels Geld  
Von oim, wo di' zom Budza b'schdelld  
Schnigg-schnagg, Mädle, befrei' di' bald  
Von oim, wo dir da Schurz omschnalld!